



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

## **Dissertationes De Actibus Humanis**

**Karchne, Simon**

**Augustæ Vindelicorum & Græcensis, 1716**

§. Ultimus. Quænam remedia physica arcent ebrietatem.

**urn:nbn:de:hbz:466:1-39981**

andi sit vetus, aut recens? quænam mala secum in eo trahat ebrietas. Quæratur ex eo, quodnam ex prænumeratis remedii sibi haec tenus maximè profuerit, aut sperat profuturum. Reducatur ei etiam in memoriam, quantum scilicet per annum soleat potitando consummisse: hinc illi indicetur, quænam magnam summam

inter tot annos tam turpiter obliguriverit, quam si defactò haberet in crumena, posset sibi, uxoribus, ac filiabus dotandis, consulere. Hæc est monitio sapiens practicissimi, P. Gobat.

¶ num. 79.

\*\*



### §. Ultimus.

#### Quænam remedia physica arcent ebrietatem?

**Q**uestio hæc non est extra limites Theologi, & confessarii, ut enim Medicorum est non solum curare corpora, sed etiam præservare à morbis, ita Medici spiritualis est præscribere non solum medicinas curantes ebrietatem præteritam, sed etiam illas, quæ præpediant futuram, siquidem hæc lethalis est animæ, quam præcavere spectat ad confessarium.

Nomine remediorum physicorum contra ebrietatem, intelligo usum illorum, quæ intrò sumpta dissipant vini vapores, nè in caput ascendant in tanta copia, quanta requiritur, ut mens tumultetur. Ejusmodi ex P. Laurentio Forrero, & ex Medicis Levino Lemnio, Joanne Mousino, Hippolyto Guarinonio &c. exscriptis P. Gobat *Theolog. Juridico-Mor. cap. 51. à num. 21.* Ea sunt triplicis generis, quædam enim usurpanda sunt ante potum, quædam in potu, alia post potum.

Ordior à remedii ante potum ad-

hibendis. Primum est comedio crudæ brassicæ cum aceto (ex quâ fiunt acidæ caules) & post convivium iterum folia quinque addas, omnis crapula evanescit remanente appetitu, ac si nihil comedisses. Secundò, crocus liquidus haustus, cuius etiam corona imposita capiti dicitur ebrietatem discutere. Tertiò, amara vim vini frangunt, & quotquot aquosos humores per urinam expurgant, hæc enim vinum effervescit, quæm ut subeat venas, ac ex his caput petat e.g. quinque aut sena amara amygdala ante mensam sumpta: Idem præstant nuclei persicorum, aut quatuor, vel quinque cochlearia succi ex foliis persicæ arboris expressi, sumptique Jejuno stomacho: aut nux muscata, quia hæc reddit meatus pervios, sicut etiam oleum olivarum eosdem dilatat, facitque lubricos, ut vinum nequeat hæcerre, modo venter non oneretur nimio cibo. Quartò non biberre vinum ante præmissam cibi solidi comeditionem, cibus enim præmissus ener-

Dd 3

vat

vat vinum, impeditque nè tam facilè venas subeat, quas facilè ingreditur vacuo stomacho, quia tunc cum nihil sit in stomacho, quod retineat vinum, hoc mox subit venas meseraicas, ex his transit in hepar, ex hoc in cerebrum.

281. Transeo ad remedia in ipso potu adhibenda. Primo, de vino inebriativo non sumat ultra necessitatem. Secundo, quando sitis nequit extinqui sine haustu largiore, sumatur vinum leve loco generosi, aut si non adsit leve bene aquâ diluat forte, aut patiatur sitim, aut hanc aquâ sopiat, digna enim est his mediis mens, ut integra conservetur. Terzo, non bibatur nisi una vini species, diversa enim pariunt diversos turbulentos, & inæquales halitus; fortibus vinis potest superaddi levior Cerevisia, quia ista vini vehementiam frangit. Quartò, inter pocula non comedantur cibi multùm halituosi, seu abundantes copioso halitu, ut legumina, & quia sicut horum halitus caput petit, ita defert secum spiritus vini.

Post largius haustum vinum ebrietatem impediunt sequentia. Primo, si

largè aquam superbibas. Secundò, si vim revomas per *nn. 254.* Tertiò, si comedas crudam brassicam in aceto, per *nn. 279.* Quartò, si capiti imponas coronam ex Croco. Quintò, non regrediaris domo ad auram liberam, donec spiritus vinosi dissipentur.

Estrè prædictorum remediorum, seu alexipharmacorum usus aliquando præceptus. Resp. Quòd sit, nempe in omnibus iis casibus in quibus à *nn. 240.* concessi fas esse bibere usque ad ebrietatem, nam haustus vini sufficiens ad inebriandum ex se est illicitus per accidentem licitus, videlicet titulo Solius necessitatis, hac sublatâ manet illicitus, sed quando supereft medium de se non malum impediendi ebrietatem cessat necfitas, ergo tunc haustus vini sufficiens ad inebriandum manet illicitus, ergò est obligatio impediendi ebrietatem per media de se non mala, sed indifferentia, qualia sunt, quæ attuli per decursum hujus Paragraphi,

\*\*

\*\*

DIS.

